

# 8 تفسير سورة الكهف 8 الآيات 28-56 من قول الله تعالى (قال له موسى هل أتبعك)

شوقي عبدالصادق

الحمد لله والصلاة والسلام على سيدنا رسول الله وعلى اله وصحبه ومن والاه وبعد. كنا انتهينا الى لقاء نبي الله موسى مع نبي الله الخضر مع نبي الله الخضر عليهما الصلاة والسلام - [00:00:02](#)

وهذا الكلام موجود كما هو منصوص عليه في الصورة المباركة وكذلك في صحيح البخاري تفصيل في الصور الصورة وفي الحديث سؤال بيطرح نفسه متى التقى موسى عليه الصلاة والسلام بالخضر هل هو كان لسة في مصر - [00:00:25](#)

وقال لك ان ترك مصر سؤال متى التقيا كان لسه موجود عندنا ولا كان سابنا ومشى والله يسامحنا بقى احنا طفشناه زي ما بيقلوا اه كان يجب ان ما يمشيش يعني او يعني - [00:00:47](#)

يروح ويجي عندنا تاني انما هو خرج بلا ايه بلا رجعة اه طبعا سيدنا موسى التقى بسيدنا الخضر بعد ما ترك مصر بعد ما ترك مصر. لان مصر ما كانش فيها مجمع بحرين - [00:01:08](#)

والخضر يقتل نفس زكية بغير نفس ونسيبه عمدا كان موسى قتل خطأ ده من الاشياء العجيبة اللي سمعتها بس طبعا ده من الكذب والتلفيق بيقلوا ان هو قاعد في مدين عشر سنين حتى يسقط الحكم - [00:01:31](#)

بالتقادم الكلام ده جابوه منين يا رجالة؟ ها؟ القوانين اللي كانت موجودة قال لي انتم قريتوا حاجات زي كده يعني انا لله وانا اليه راجعون انا لله وانا اليه راجعون - [00:01:55](#)

لا هو جلس في مدين عشر سنين هو ما يعرفش ان هيجلس عشرة ولا يوم ولا دقيقة ولا اي حاجة خالص خالص هو خرج الى مدين وهو ما يعرفش هيروح فين اصلا - [00:02:12](#)

فلما توجهت القاء مديا قال عسى ربي ان يهديني سواء السبيل. ولما ورد ماء مديا وقص على العبد الصالح قال له ليه والكلام ماشي الاحداس ماشية جايبة قدر الله سبحانه وتعالى الاحداس ماشية كده واحدة واحدة - [00:02:28](#)

واتضح ان البيت فيه عروستين والراجل قال له اريد ان انكحك ايه احدي النجاي والمهر كزا الامور ماشية ايه؟ قذرا على ان تأجرني ثمانى حجج وطلب منه عشرة يعني ما حدش حكم عليه بعشرة ده العشرة دي يعني هم سنة تمن سنين مهر - [00:02:49](#)

شف نقوم نلفق ونقول هو خرج وقعد في مدين عشر سنين عشان الحكم يسقط بالايه؟ بالتقادم. لازم نحط في كل حاجة اه عاوز تقول ايه من دي؟ عاوز اقول ان في الوقت ده كان في قوانين ونظام - [00:03:14](#)

وحضارة عريقة وسقوط بالتقادم والله والله امال طب انتم قعدتم يوسف في السجن ما سقطتش بالتقدم ليه؟ فلبث في السجن بضع سنين ولا كان هدية يوسف هيروح فين؟ المهم مش موضوعنا - [00:03:32](#)

هو التقى بالخضر بعد ما ترك مصر بعدما ترك القرآن والسنة ما جابتش اي لمحة عن ان اللقاء ده كان ايه؟ كان ما زال لسه فين في مصر وقلت لكم اني - [00:03:53](#)

البلد ما فيهاش مجمع بحرين واكد برضه آآ ومصر لم يذكر ان كان فيها الخضر النيل واحد متوفي اه مجمع بحرين لا لا ده ده دي جغرافيا بتاعتنا احنا جغرافيا بتاعتنا ايه اللي هيودي موسى عليه الصلاة والسلام عند فرع رشيد او دمياط ما هم بيلتقوا في الفراعين مش كده؟ الجغرافيا بتقول كده - [00:04:08](#)

رشيده ودمياط يبقى يا اما يروح عند رشيد يا يروح عند ايه ولا هنا ولا هنا ولا هنا ولا هنا يوم موسى عليه الصلاة والسلام خرج اولا قلت لكم وهذا اجتهادي ولعله يكون صوابا - [00:04:35](#)

ان مال مجمع البحرين التقاء الخليجيين خليج العقبة وخليج السويس على رأس البحر الايه الاحمر موسى عليه الصلاة والسلام اصلا خارج من مصر متجه الى الارض المقدسة القرآن يقول كده - [00:04:50](#)

وهو قال لبني اسرائيل كده ادخلوا الارض الايه؟ المقدسة التي كتب الله لكم ولترتدوا على ادباركم فتنقلب ايه؟ خاسى. ابا بنو اسرائيل ان يدخلوا الارض المقدسة عوقبوا جميعا بالتيه في الصحراء. ومعهم نبي الله موسى ونبي الله - [00:05:09](#) هارون تاهو في الصحوة ومات النبيان في التيه ولما علم سيدنا موسى بدنو الاجل طلب من الله ان يقبض روحه قريبا من الارض المقدسة بحجر. واستجاب الله سبحانه وتعالى ايه - [00:05:35](#)

دعاه يبقى كده الخريطة معروفة اهي بقى واتجاه سيدنا موسى معروف وفعلا الرسول صلى الله عليه وسلم ليلة الاسراء والمعراج كما صح عن انس ان الرسول صلى الله عليه وسلم قال اتيت وفي رواية مررت - [00:05:55](#) رواية في البخاري وغيره مررت اتيت على موسى ليلة اسري بي عند الكتيب الاحمر وهو قائم يصلي في قبره القبر ده بينه وبين بيت المقدس قد ايه؟ رمي بحجر الكتيب الاحمر موجود راح فين؟ اتبنى فوقه وانبنى تحته اتزال خالص كل الكلام ده ايه؟ ما عندناش اي بيانات به - [00:06:13](#)

مهم ان هو طلب من الله ان يدنيه. والرسول يقول كده. فلو كنت ثم يعني هناك فلو كنت ثم يعني في المنطقة اللي هناك يعني لاريتكم قبره الى جانب الطريق عند - [00:06:43](#)

الكتيب الاحمر يبقى فيه طريق يوصل فين؟ لبيت المقدس القدسي يعني وعلى جنب الطريق كده كسيب احمر يعني جبل فيه رمل ايه؟ الاحمر خشن كده. هو بقى القبر بتاعه هناك - [00:07:02](#) اليهود يعرفوه ما اعتقدش النصارى يعرفوه ما اعتقدشي حد مؤلف حاجة هناك كل ده مش ايه؟ مش موضوع. المهم ان سيدنا موسى في طريقه منين؟ خرج من مصر متجه الى ايه؟ ها؟ وجهته الى الارض. ده الخروج الثاني. الخروج الاول كان الى ايه؟ مدينة - [00:07:16](#)

ورجع ثاني الخروج الثاني بقى كان الى الارض الايه؟ المقدسة. الارض المقدسة هي مدينة القدس بس ولا كل اكثر خمسمية لأهي الاصل القدس. موضع المسجد الاقصى. اه اه نعم. نعم نعم - [00:07:38](#)

نعم قال ابن كثير ده يؤيد بقى ما ذكرته لكم عن ابن عباس قال ده تأكيد بقى ابن كثير عليه رحمة الله. قال لما ظهر موسى وقومه على مصر خلي بالك باقول لما ايه ها ظهر. ظهر - [00:07:52](#)

انتصر كمنتصر وكان دخل حرب ما دخلش هو لجأ الى الله وربنا هو اللي ايه؟ اللي انتصر. ظهر او هو ظهر اه. هو لما يعدي وهم يروحوا في البحر يبقى انتصر ولا ما انتصرشي - [00:08:09](#)

سيدنا نوح كده اني مغلوب فانتصر هو دخل حرب فانتصر الله لنوح غير شكل الدنيا كلها شال الناس الموجودة ابوه ناس جداد اللي كانوا في السفينة ثاني بقى. راحوا كلهم - [00:08:24](#)

كل الدنيا تغرق ما فيش مشكلة ويقول لما زهر موسى وقومه على مصر انزل قومه اللي هو في منطقة الصحراء يعني فلما استقرت بهم الدار الكلام ده هو بقى في التيه قبل ما يدخلوا يقولوا هم ما دخلوش هو ما دخلش بهم اللي دخل بهم مين؟ يوشع ابن نوح -

[00:08:41](#)

فبيخطبهم بيخطبهم فيهم وهو فين؟ في التيه ربنا امره انزل الله ان ذكرهم بايام الله اخطب فيهم خطبة وعرفهم بنعم الله ذكر بني اسرائيل بنعم ربنا عليهم خطبهم ايام الله يعني نعم الله. فخطب قومه فذكر ما اتاهم الله من الخير والنعمة - [00:08:58](#) وذكرهم اذ انجاهم الله من ال فرعون وذكرهم هلاك عدوهم وما استخلفهم الله فيه من الارض وكلم الله وقال كلم الله نبيكم تكليما. ده من نعم الله برضه. يقول لهم يا بني اسرائيل الله كلم نبيكم على موسى. يعني يقصد نفسه - [00:09:21](#)

نبىكم تكليم واصطفاني لنفسه وانزل علي محبة منه واتاكم الله من كل ما سألتموه اي والله ربنا اداهم ده كله وزيادة كمان نبىكم

افضل اهل الارض. برضه كويس وفعلنا افضل اهل الارض - [00:09:43](#)

وانتم تقرأون التوراة فلم يترك نعمة انعمها عليهم الا وعرفهم اياه ما هو قال له زكرهم بايام الله وقال له رجل من بني اسرائيل هم

كذلك يا نبي الله قد عرفنا الذي تقول - [00:10:03](#)

فهل على الارض احد اعلم منك يا نبي الله؟ هو ده الايه؟ السؤال اللي كلمنا اتكلمنا عنه قبل كده. حد على الارض اعلم منا؟ قال لا.

اهي دي الايه - [00:10:21](#)

المشكلة هي دي المشكلة فبعث الله جبرائيل الى موسى عليهما السلام فقال ان الله عز وجل يقول وما يدريك اين اضع علمي؟ الله

اكبر وما يدريك اين اضع علمي؟ بلى ان على شط البحر - [00:10:34](#)

رجلا هو اعلم اعلم منك. قال ابن عباس هو الخضر. فسأل موسى ربه ان يريه ان ربي وريه لي بقى طالما في اعلم ايه وكان الحديث

وكانت الايه؟ الاحداس اللي زكرت في سورة الايه - [00:10:57](#)

الكهف يبقى كده الدرس الاولاني معنى النهاردة ايه؟ ان خروج موس التقاء موسى بالخضر كان امتي؟ بعد خروجه من مصر بعد

خروجه الخروج الثاني مش الخروج الاولاني بعد خروجه الثاني من مصر - [00:11:12](#)

هو في النهائي بقى ما هو مش هيرجع. اه اه. اصل الخروج الاولاني كان في مدين. الخروج الثاني اه الخروج من اول نهائي الدرس

الثاني الهمة والنصب في طلب العلم - [00:11:30](#)

طلب العلم عاوز تعب وعاوز يا اخي طلب العلم الديوي بنتعب له اشمعنى العلم الشرعي مش عاوزين نتعب له الهمة والنصب في

طلب العلم. ليه لان موسى ويوشع استريحوا لما وصلوا فين - [00:11:44](#)

عند الصخر وفعلنا اتقابل مع الخضر فين؟ عند الصخر. بس ايه اللي حصل؟ ان بعد ما استريحوا ناموا شوية وقاموا مشيوا بقية اليوم

وطول الليل وتاني يوم قرب الضهر تذكر ان هم جعائين - [00:11:59](#)

مش قلت لكم ان هو رجع تاني فارتدا فارتدا على اثرهما ايه؟ يعني اللي مشيوا ها ليه ايه المقصود من دي؟ الاجهاد والنصب والتعب.

علشان طلب العلم مش سهل ما هم لقوا هو لقوا الخضر في نفس المكان. طب ما لازمته ايه هو كده هو كده. والعلم فعلا يستاهل

التعب - [00:12:16](#)

تستاهل التعب ويستاهل النصب ويستاهل السهر علم علم نور نور. فالنور ده يا اخي ده انت لما بتجيب نور ممارسة بيقرفوك في عش

ولا ايه؟ عشان تنور لمبة. امال لما تنور قلبك وحياتك وقبرك - [00:12:41](#)

مش عاوز تتعب؟ يا لندن ممارسة امال عاوز تنور قبرك ازاي وتنور اخرتك ازاي وتنور محشرك ازاي عاوز يبقى نور في الحش عاوز

نور في القبر لازم انت لازم تتعب شوية - [00:12:59](#)

الدرس التالت ومهم جدا نخلي بالننا من الحاجات دي يعني هو انا هو خد الموضوع خد اكبر من حقه لأ مش حقه لان الخاطر ده بالزات

شخصية حواليتها جدل كثير وليه الجدل هتعرف ليه الجدل ليه الجدل - [00:13:14](#)

لان الجدل حول الخضر مدخل عظيم جدا من مداخل هدم الدين لان الخطر ده الخضر ده متاخذ حاجة كده نهد الدين من اوله لاخره

بالخضر دوت لو خاض العبد بس نبي - [00:13:29](#)

عبد ونبي؟ اه لان ربنا قال ايه بقى؟ ها؟ فوجد عبدا من عبادنا. طب وما له الله! هم الانبياء حاجة فوق مستوى العباد! ما هم عباد في

المقام الاول لنبيع بيت وبعدين هم بعد كده ايه - [00:13:49](#)

انبياء هم الاصل عبادة وبعدين انبياء. كل نبي عبد وليس كل عبد؟ نبي. ولا ايه فالخضر عبد ونبي كل الانبياء عبيد زرية من حملنا مع

نوح انه كان ان اركز انه كان عبدا. وازكر عبادنا جملة كده جملة. عبادنا عبادنا ابراهيم واسحاق ويعقوب اولي - [00:14:08](#)

ايديه والابصار ومرات نوح ومرات لوط كانتا تحت عبيدين. نوح مين؟ ولوط عليهم الصلاة والسلام من عبادنا من الصالحين عيسى

عليه السلام لن يستنكف المسيح ان يكون عبدا لله. اخرهم مين بقى؟ سبحان الذي اسرى. بعبده. ايه المانع يكون - [00:14:36](#)

العبد ونبي في وقت واحد ما فيش مانع ابدأ ما فيش مانع ابدأ. طب ليه ليه دي؟ طب ليه ليه ما تحاسبش مع الانبياء ما زكرش معه لان ربنا سبحانه وتعالى يعلم - [00:15:02](#)

لما نزلوا قرآن فيه محكم وفيه ايه؟ متشابه فاما الذين في قلوبهم زيغ فيعملوا ايه بقى؟ فيتبعون ما تشابه منه. يقوم ماسك في حاجة ويثبت فيها قوي وما يردهاش لمين - [00:15:16](#)

للمحكم. لما ترد المتشابه للمحكمه زي ما احنا رديناه دلوقتي. ما احنا ردينا المتشابه اي العبد لمصطلح الانبيا والعبودية لانهم كلهم ايه؟ عبيد. كلهم عبيد لانهم لهم كلهم عباد لله وانبيا برضه. فرضينا المتشابه الى الياه؟ المحكم. رب العزة قال - [00:15:33](#)  
عبدا من عبادنا اتيناه رحمة من عندنا رحمة من عنده ايه يعني الرحمة؟ يعني النبوة الله هي النبوة بيتقال عليها رحمة؟ ايوه رحمة من عندنا. ياما ياما نبوة اتقال عنها رحمة. خد على سبيل المسال - [00:15:57](#)

وقالوا لولا نزل هذا القرآن على رجل ها؟ يبقى هم مش معترضين على النبوة كنبوة بس مستكترينها على مين؟ على الرسول عليه الصلاة والسلام عاوزين واحد تاني يعني واحد من مشايخ العرب - [00:16:15](#)

هو مش شيخ عرب عليه الصلاة والسلام هو شخص الشيخ الصادقين شيخ الامناء قبل ما يبقى ايه نبي. فهم مستكترين عليه النبوة. فقالوا ايه بقى؟ لو ولا نزل هذا له. يعني هم مقرين بالقرآن بس كانوا عايزين ينزل على مين - [00:16:33](#)

فربنا يقول لهم ايه؟ اهم يقسمونها. رحمة ربك يعني النبوة. انتم هتقسموا وتنزل على دي وما تنزلش على ده مش انتم مش انت واضح وكده ولا ايه؟ اهم يقسمون ايه؟ رحمة ربك - [00:16:48](#)

سيدنا نوح قال عن نبوه رحمة قال بيقول ايه بقى؟ بيقول واتاني رحمة من عنده رحمة من عندي. يعني نبوة فعميت عليكم. انلزمكموها وانتم لها كارهون؟ زيه بالزبط سيدنا ايه - [00:17:04](#)

آآ صالح واتاني منه رحمة واتاني منه رحمة فيبقى الرحمة هنا زكرت على انها ايه؟ النبوة. قال رب العزة عن القرآن فيها سورة ليلة ليلة القدر في رمضان وكده فيها يفرق كل امر حكيم امرا من عندنا. انا كنا مرسلين رحمة من ربك - [00:17:24](#)

وما كنت ترجو ان يلقي اليك الكتاب الا رحمة من ربك ولا احد يختلف في ان سيدنا محمد نبي وسيدنا نوح نبي والخضر نبي ليه؟ لان ربنا بيقول ايه؟ واتيناه رحمة من عندنا - [00:17:51](#)

وعلمناه من لدن علما برضو العلم اطلق على النبوة العلم اللي من عند ربنا اطلق على النبوة. غير العلم التاني بقى. غير العلم اللي ربنا سبحانه وتعالى بيعطيه للذين اوتوا العلم ده حاجة تانية - [00:18:11](#)

لكن العلم اطلق على النبوة. قال رب العزة وانزل الله عليك الكتاب والحكمة وعلمك ما لم تكن تعلم وكان فضل الله ايه وقال عن يعقوب عليه الصلاة والسلام عن سيدنا يعقوب ما نزلش عليه كتاب بس كان نبي - [00:18:26](#)

ولما دخلوا من حيث امرهم ابوهم ما كان يغني عنهم من الله من شيء ها الا ايه؟ حاجة في نفس يعقوب قضاها انه لذو علم ها اي نبوة. علمناه النبوة - [00:18:48](#)

علمناه النبوة ولا خلاف على نبوة ايه؟ يعقوب عليه الصلاة والسلام ونبوة لنا الدرس السادس قول الخضر نفسه لما بيقول وما فعلته عن امري وما فعلته عن امري فعلته الضمير ده يعود على التلات احداث اللي ايه - [00:19:06](#)

حصلت ما فعله عن ايه؟ عن امره. يعني امر الله الى عبادته هو النبوة في وحي بقى غير الامر ده اللي بقى اسمه وحي الهام زيه واوحى ربك الى النحل - [00:19:31](#)

واوحينا الى ام موسى ده الهام. انما الامر يبقى وما فعلته عن امري ده بالايه؟ بالنبوة وخصوصا قتل النفس الياه؟ البريئة الامر السابع او الدرس السابع كل تحركات الانبياء بامر - [00:19:48](#)

والخضر تحرك معنا ثلاث تحركات. كلها بالايه اللي هو وما فعلته اه وهو ليس بدعة من الانبياء فهو زي كل الانبياء رسول الله صلى الله عليه وسلم بيتحرك بالامر كل الانبياء تتحرك بالامر. لما الرسول عليه الصلاة والسلام ربنا يقول - [00:20:08](#)

قل اغير الله اتخز وليا فاطر السماوات والارض وهو يطعم ولا يطعم. قل اني امرت امرت ان اكون اول من اسلم ولا تكونن من الياه

من المشركين درس التامن الايمان بالقدر من اركان الايمان. ايه بقى علاقته بموضوعنا؟ الايمان بالقدر من اركان الايه - [00:20:26](#)

ايه علاقة الايمان بالقدر في الجزئية دي ؟ شف الجزئية دي بقى رب العزة يقول ان كل شيء خلقناه بايه؟ بقدر وقال تعالى ما اصاب من مصيبة في الارض ولا في انفسكم الا - [00:20:51](#)

فقدر الله في اللوح المحفوظ التلات مسائل دول اللي هم ايه؟ خرق السفينة وقتل الغلام وبناء الايه؟ ده مقدر فين لازم يزهر. طب هيزهر امتى ؟ حان وقت ازهار هذه الاشياء - [00:21:06](#)

زي الاحداس اللي انت بتشوفها دي يعني كل يوم هو في شاء مسلا بلد رئيسها وقع ورئيسه التاني اتنصب. ده شأن ولا مش شأن؟ مكتوب في قدر ولا مش مكتوب؟ مكتوب - [00:21:28](#)

وفي اليوم الفلاني وفي الساعة الفلانية من الليل او النهار يحصل كذا احداث فدي تلت مسائل لازم يزهرها اللي هم موجودين فين؟ في القدم هيزهروا امتى ؟ حان وقته ايه ؟ زهورهم. يعني عاوز اقول لك ايه ؟ - [00:21:44](#)

افرض اني سيدنا موسى ما قابله سيدنا الايه؟ اصلا لو ما قالش الجملة دي لما قالوا له مين اعلم اهل الارض؟ وما قالش انا. وقال الله اعلم. يبقى ما كانش هيحصل ايه ؟ ها. الاحداس الاولى هيلتقوا - [00:22:03](#)

طيب الولد اللي اتقتل ده مش لازم يتقتل بقى لان عمره انتهى النهاردة يبقى سواء التقى الخضر مع موسى او لم يلتقي كان هيحصل ايه الخضر هيعمل التلات ايه احداه - [00:22:24](#)

واضح كده؟ اه يبقى لازم نؤمن بان في قدر وان الكلام ده لازم يحصل وهيعملوا بناء على ايه؟ بناء على وحي من عند الله سبحانه وتعالى في ملحظ مهم جدا - [00:22:40](#)

اني لما سيدنا موسى قتل القبط هنا في مصر. قبل ما يخرج الخروج الايه؟ الاولاني. الاول قتلوا خطأ ولا عمدا؟ خطأ وندم قال ربياني ظلمت نفسي ها؟ فاغفر لي. فغفر له. ندمان ولا مش ندمان - [00:22:55](#)

هو هو موسى شايف واحد بيقتل غلام عمدا وشايف اللي قتل ده مش ندمان وشرح له بعد كده قال له انا قتلته ليه علق موسى علق لانه بيقول له وما فعلته - [00:23:16](#)

واحد بالك من الملحزين الاتنين والخضر كانه فرحان انه نفذ امر الله وموسى حزين عشان قتل القبطي ايه؟ خطأ عرفت الفرق بين الاتنين ده بيقول وما فعلتوه عن امري كان الحمد لله انا نفزت المهمة - [00:23:41](#)

وموسى العمال الاحداس بتاع القتل الخطأ بتايه بتراوضه بتراوضه. وزعلان ده حتى دي كمان سبحان الله! ده سيدنا موسى يوم القيامة لما الناس يقولوا تعال اشفع يقول لي اشفع ايه ؟ ده انا قتلت نفسا - [00:24:06](#)

يا عم خلاص انت غفر لك لأ برضه انا مش قد دي روحوا لواحد ما عندوش زنوب يا موسى عليك الصلاة والسلام ده انت الذنب غفر وخلاص والموضوع خلص. لأ برضه - [00:24:25](#)

حتى يوم القيامة يوم القيامة لما الناس تطلبه للشفاء ويقول لا اذهبوا الى غيري. طب ليه؟ عشان انا عملت كذا. انا قتلت نفسا خطأ يروحوا لمين لسيدنا عيسى. عيسى ما يذكركش زنوب - [00:24:38](#)

بس يقول لهم انا مش انا برضو مش مش للمهمة دي. روحوا لمين لمحمد صلى الله عليه وسلم فالشاهد ان الخضر كانه بيتباهى بيتباهوا ان قتلوا الغلام؟ ايوة انا نفزت امر ربنا - [00:24:52](#)

فمش زعلان مش حزين مش ندمان ما بيطلبش توبة ما بيطلبش مغفرة. وموسى بيطلب الايه المغفرة ملحز مهم جدا نخلي بالننا منه يعمل كده بقى يبقى ده شخص عادي ينفع يبقى شخص عادي ايه - [00:25:08](#)

ما شاء الله! ايه اللي خلاه عادي بقى ده! يبقى عادي ازاي يعني؟ يبقى بكل تأكيد وبكل ثقة الخضر نبي ولا يجوز ان يقال غير هذا ابدًا. ابدًا لا يجوز ابدًا ان يقال بغير هذا ابدًا - [00:25:25](#)

وما فعلته عن امري ذلك تأويل ما لم تسطع عليه صبرا زد ايضا في الرواية عند البخاري يا موسى اني على علم من علم الله علمنيه الله مين اللي بيتكلم - [00:25:47](#)



الخضر علمنيه الله لا تعلمه وانت على علم من علم الله علمكه الله. لا اعلمه. ايه هنا ماء الشاهد الشاهد انهما التقيا في نقطة التقى في ايه؟ في نقطة. الا وهي نقطة النبوة - [00:26:12](#)

ولكن نصيب هذا من العلم غير نصيب هذا من العيال. ما هو بيقول له انت على علم من علم الله. وانا على علم من علم الله مين اللي بيتكلم الخضر - [00:26:39](#)

انت تعلمه الله علمه لك وانا اعلمه الله علمني اذا التقوا في نطق تقف نقطة في صفة مشتركة بين جميع الرسل والانبياء الا وهي صفة النبوة صفة النبوة لذلك الرسول صلى الله عليه وسلم يقول نحن معشرها؟ الانبياء. اخوة لعلات - [00:26:55](#)

رب العزة لما عمل تفاضل بين الرسل ما فيش في وسطهم ولا بشر لما قال في سورة البقرة تلك الرسل ها يبقى هم الاول في حاجة بتربطهم. ايه هي؟ النفوس. الرسالة - [00:27:23](#)

رسل وبعدين تفاضل بينهم هم في وسطهم بشر؟ لأه ليه؟ لان المجموعة دي اصلا ربنا منقيها من الناس الله يصطفي من الملائكة رسلا ومن الايه ومن الناس اصطفى من الناس - [00:27:43](#)

رسل وبعدين المجموعة دي فيه تفاضل بينها. فيه اولو عزم وفي رسل عاديين وفي انبياء في وسطهم حد لأ في وسطهم شخص عادي ممنوع. ليه؟ لان ربنا اصطفاهم منين من الناس. اولئك الذين انعم الله عليهم من النبيين والصديقين والشهداء والصالحين - [00:28:08](#)

ربنا جمعهم في فضيلة معينة. اما الرسل ركنهم على جنب اصطفاهم من الناس وركنهم على جنب وفاضل بينهم ومش احنا اللي نفاضل كمان اما التفاضل اللي بين الناس التفاضل اللي بين الناس كما قال رب العزة ان اكرمكم - [00:28:37](#)

اما دول غير دول. دول رسل اختارهم الله سبحانه وتعالى. فاضل بينهم هو اللي فاضل. يعني انا ما فضلش موسى على محمد على موسى صلى الله عليهم جميعا وسلم. ما فضلش. لا يجوز لي شرعا - [00:29:01](#)

ان افضل محمدا على موسى ولا على عيسى ولا اي شيء. مش شغلتي. انا او من بهم كلهم. اتبع مين؟ اتبع ان انا مكلف به صلوات الله وسلامه. واضح يا اخوانا كده؟ اذا عندما يتم التفاضل تم التفاضل بين رسل - [00:29:15](#)

ففي همزة وصل بين موسى ومين؟ والخضر. ايه هي؟ النبوة الاتنين انبيا الاتنين انبيا والنبي بيتعلم من نبي. ما ينفعش نجيب شخص عادي ونقول له رح علم النبي ده حط من مكان النبي واستخفاف باصطفاء الله - [00:29:32](#)

لا يليق ابدا الا انه اصحاب الهمزة همزة الوصل. والقاسم المشترك بيقوا هم مع بعضهم موسى لما اقترح على سيدنا محمد طلب تخفيف الصلاة يبقى نبي بايه؟ بينصح نبي - [00:30:00](#)

نبي بينصح نبي وارد ده شيء وارد. اما سيدنا موسى مش اي نبي الله نعم نعم نعم في حاجات كثيرة فهنا التفاضل بين الناس بالتقوى والتفاضل الانبياء قوله سبحانه وتعالى وعلمناه من لدنا علما. اه وماله ايه المشكلة - [00:30:20](#)

علمناه من لدون علم. ما فيها اي مشكلة من لدن علما من لدن علمه خدنا بقى من دي مدخل وعنده علم لدني. يعني ايه علم لدني؟ يعني اللي عنده مش عند مين؟ طب ما هو قال لموسى - [00:30:41](#)

اصلا كده. قال له انت على علم وانا على علم. ايه بقى فرق بقى؟ ايه العلم؟ ايه الموضة بتاع العلم للدني؟ موضة! لعبة بيلعبوا فيها عشان نخرج على الانبياء ونهد الدين - [00:30:58](#)

عشان نهد الدين تعال شف بقى من لدنا دي جت في القرآن فين وفين وفين وفين؟ ولمين لدون امسك كلمة لدوننا دي لما يقول رب العزة كلمة لدوننا وردت في اشياء كثيرة جدا. علم وغير علم. اسمع قوله تعالى - [00:31:12](#)

ولو انهم فعلوا ما يوعظون به اللي هم مين كل الناس كل الناس ولو انهم فعلوا ما يوعظون به لكان خيرا لهم ها؟ واشد ايه؟ تثبिता. واذا لاتيناها من لدنا اجرا عظيما - [00:31:35](#)

دي عاوزة ايه بقى دي اتيناها من لدنا. من لدن مين؟ من لدن رب العالمين. لكل الناس لكل الناس وقوله تبارك وتعالى عن زكريا عن يحيى وحنانا من لدنه وزكاة وكان تقيا - [00:31:59](#)

وفي حنان لدي وحنان مش لدي ما هو الحلال كله من عند مين؟ من عند الله سبحانه وتعالى. قال رب العزة وكذلك نقص عليك من انباء ما قد سبق. وقد - [00:32:21](#)

اتيناك بيقول لمين؟ الرسول عليه الصلاة والسلام وقد اتيناك من لدنا ذكرى من لدن ذكره وفي ذكر من لدن الله وذكر من غير لدن هو كله من عند الله اصلا يعني. والذكر هنا هو القرآن. طب تعال على المشركين بقى - [00:32:35](#)

المشركين ربنا بيقول اللي عليهم وقالوا ان نتبع الهدى معك. نتخطف من ارضنا. او لم نمكن لهم حرما امينا اذا مين هم دول يا اخوانا؟ المشركون اولم نمكن لهم حرما امنا يجبى اليه ثمرات كل شيء. ها؟ رزقا من لدنا - [00:32:55](#)

ايه ايه المشكلة في كلمة لادونا يعني رزقا من لدنه. اي رزق ما هو من عند الله هو فيه رزق من عند غير الله! ما هو كله من عند الله. والرزق ده لمين يا اخوانا؟ لمشركين. فكلمة لدنا دي مش قضية - [00:33:19](#)

عشان نقول علمناهم اللدن ايه؟ عنده علم لدي. يعني ايه علم لدي؟ ما هو كل العلم من عند الله اصلا. الرزق من عند الله، كل شيء من عند الله - [00:33:32](#)

قال تعالى كتاب احكمت اياته ثم فصلت من لدن حكيم خبير فصلت اياته من لدن حكيم خبير مما يؤكد ان الخضر ليس مجرد ولي انما هو النبي وليس عبد صالح هو فقط لابد ان يكون نبيا. ليه؟ ليه - [00:33:42](#)

لان لو عملناه ولي هنلاقي في امتنا اولياء احسن منه مليون مرة فما ينفعش يبقى ولي. لازم يبقى ايه؟ لازم يبقى نبي. ليه كونه يؤتي لنفس بريئة طب ما في اولياء طلبوا من رسول الله ان يقتلوا نفس مجرمة ولم يسمح لهم رسول الله. لان ما فيش امر من -

[00:34:06](#)

مين؟ لكن عنده هو في امر من مين؟ ايه رأيكم في عمر؟ ينفع يبقى ولي عمر ينفع يبقى ولي ولا ما ينفعش؟ سيد الاولياء. عمر اول وافق ربه في ايات كثيرة - [00:34:31](#)

والحديث مشهور. وافقت ربي في سلاس فقلت يا رسول الله لو اتخزت من مقام ابراهيم صلى فنزلت واتخزوا من مقام ايه؟ واية الحجاب قلت يا رسول الله لو امرت نساءك ان يحتجبن فانه يكلمهن البر والفاء البر والفاجر. فنزلت اية الحجاب - [00:34:48](#)

واجتمع نساء النبي في الغيرة عليه فقلت عسى ربه ان طلقكن ان يبدله ايه؟ ازواجا. فنزلت الاية. طب انت عاوز حاجة عمر بيقول بيقول امنيات تنزل ينزل القرآن ايه بها. ينزل القرآن بها - [00:35:10](#)

طيب عمر لما عبدالله بن ابي بن السلول قال على الرسول لان رجعنا الى المدينة المدينة ليخرجن الاليه؟ الالعز منها الازل. الكلمة دي تستحق قطع مراقبة ولا ما تستحقش؟ رقبة مين؟ رقبة ابن سلول. عمر قال للرسول كده. قال للرسول ائذن لي. اضرب عنقه. قال له لا

- [00:35:26](#)

لان الرسول ما عندوش ايه؟ امر. ما عندوش امر. وده رسول. والثاني عنده امر الخضر عنده امر. يبقى عبد عادي. ويقتل مستحيل طبعا لازم عنده امر وهو بيقول وما فعلته؟ لو ولي وولي. عمر ولي. وبيقول للرسول ائذن له. قال له ما بازنلكش - [00:35:51](#)

واذا ما استأذنش حد يبقى عنده امر ولا ما عندوش عنده امر يا اخوانا مع ان ده يستحق الاليه القتل وفي الدرك الاسفل من النار ايضا شف حتى برضه من سادة الاولياء سيدنا اسامة سيدنا اسامة ده رتبة عالية اوي. اسامة اسامة لما قتل الرجل -

[00:36:14](#)

اللي هو قال لا اله الا الله بعد ما شاف السيف قال لا اله الا الله. يبجي سيدنا النبي يقول له اقتلته بعد ان قال يعني اما ايه؟ واخذ باله؟ اه اقتلتهم؟ ولي ولا مش ولي؟ ولي. العملية ولي ايه؟ ولي. ولي يقتل! لازم - [00:36:37](#)

يبقى فيه امر ايه الامر ده اللي هيميزه بقى؟ اللي هيرفعه فوق رتبة الاليه فوق رتبة الناس وياخد اوامر من الله عز وجل ياخذ اوامر من الله سبحانه وتعالى فلا يمكن ابدان يكون مجرد عبد صالح او ولي لأ - [00:36:55](#)

الله سبحانه وتعالى هو الذي يعلم الغيب وحده ولا يعلم الغيب الا الله ويقول عالم الغيب ها فلا يظهر على غيبه احدا الا من ارتضى من رسوله فانه يسلك من بين يديه - [00:37:11](#)

فلا يظهر عليه على غيبه احدا الا من ارتضى من رسول مش ارتضى من من بشر عاديين لأ من رسل هم اللي بيزهرهم على بعض

الغيب مش كل الغيب على بعض الغيب - [00:37:30](#)

كلها ايه؟ قل لا اقول لكم عندي خزائن الله ولا اعلم الغيب ولا اقول لكم اني ملك. ان اتبع الا ما يوحى الي يبقى باتبع ما ايه؟ ما يوحى

اليه - [00:37:44](#)

ومما يستأنس به ايضا من القول بنبوّة الخضر تواضع موسى عليه الصلاة والسلام له يتواضع يبقى موسى كليم وصاحب تورا

وبنقول العزم رتب رتب رتب لا يعلمها الا الله. واصطفاه الله لنفسه والقى عليه محبة منه. وبعدين يستأنزّه انه - [00:37:59](#)

اتبعه هل اتبعك يبقى شايف قدامه ايه شايف قدامه شخص عادي؟ شايف قدامه نبي في قاسم مشترك بينه وبينهم وبعدين نقول له ستجدي ان شاء الله ايه صابرا ولا اعصي لك امرا. فيه بقى كتب ومصادر وحاجات كتيرة ارجعوا لي هزكر اسماءه واللي عاوز يبقى

يبص فيها يبص - [00:38:22](#)

مصادر ومراجع تفسير ابن عطية وتفسير ابن القرطبي او تفسير القرطبي وتفسير النسفي والبحر المحيط لابن حيان وحدائق الروح والريحان وتفسير اللوسي وتفسير ابن كسير وتفسير المرأة منار القارئ في شرح صحيح البخاري كتب في السنة وكتب في شرح

كتاب التوحيد من صحيح البخاري كل دي كتب كل دي كتب اتكلموا فيها - [00:38:43](#)

فالامر مفروغ منه ولا جدال فيه اصلا وهتعرف ليه؟ احنا نفسنا يبقى الخضر عبد عادي. هتعرفه بس بعد شوية كده من التدبر في

الايات او من الدروس في الايات لما تقرا التلات مواقف - [00:39:10](#)

حتى اذا ايه؟ لما رجع ركب فيها السفينة في السفينة. يبقى زكرها بالاياه؟ ها؟ بالتعريف وبعدين لقي ها؟ لأ غلاما غلاما. وبعدين اتي

اهل قرية فوجد فيها ايه؟ جدار نكرة - [00:39:28](#)

يبقى السفينة معرفة والغلام نكرة والجدار ايه ركز في دي بقى ليه السفينة جت متعرفة كل ده يؤكد انه نبي مش شخص عادي ماشي

كده ده معه كتالوجيا معه يا اخوانا معه خريطة طريق السفينة - [00:39:49](#)

حتى اذا ركب فيها السفينة. فيه فرق بين ركب فيه ها سفينة. سفينة تبقى ماشية في اي اتجاه وسفينة اي لأ السفينة ليه؟ يبقى لازم

السفينة ده بتاعة المساكين يبقى عارفها وعارف صاحبها - [00:40:07](#)

وعارف خط سيرها اللي هيوصله لمين؟ للغلام والجدار يبقى السفينة دي بعد ما ينزل منها لان الايات بتقول لك ايه؟ فانطلق فانطلق.

الله! يبقى فيه ايه؟ فيه خط سير - [00:40:27](#)

بعد ما نزل منها فانطلق فانطلق يبقى مش مشي كده مشي عشوائي لا وحي وحي متنزم فركب في السفينة. فالسفينة عرفت ليه؟

لانه عرفها وعارفها ان هي جديدة ما هو ركب في سفينة يبقى قديمة نص عمر جديدة ما تفرقشي. بتاعة مساكين بتاعة مليونرات ما

تفرقش. يبقى لازم ايه ها - [00:40:44](#)

السفينة داهي السفينة داهي الدنيا مليانة سفن. لكن لازم يركب دي. عشان تؤكد الايه؟ جاء القرآن بتعريفه. وبعد كده عرفها القرآن

وقال بعد كده ايه؟ اما السفينة فكانت الايه لمساكين - [00:41:09](#)

قوله تعالى اما السفينة فكانت لمساكين يعملون في البحر يؤخذ منها ايه مساكين يعملون وعندهم سفينة يبقى المسكين عنده حاجة

بياكل منها عيش بس ايه احنا جايين الكلام ده منين؟ رح لسورة التوبة - [00:41:27](#)

انما الصدقات للفقراء والمساكين والمساكين يبقى المسكين هنا في سورة الكهف عنده ايه؟ وفي سورة التوبة بياخذ ايه؟ صدقة.

يبقى خلاص اي مسكين عنده السبوبة يعيش منها بس مش مكفياها مش مكفياها اكل شرب علاج دروس ايجار ندي له من الزكر -

[00:41:46](#)

مع انه عنده ايه؟ عنده السبوبة محل ورشة عربية اي حاجة بقى. بيقبض مرتب. بيقبض مرتب. الشاهد ان هو ما ايه؟ مش مكفيه.

يبقى اسمه ايه؟ مسكين. فعلشان كده قال له السفينة لها ايه؟ بتاعة مساكين - [00:42:09](#)

فيه هنا حجمات برضو قاعدة للسعدي رحمه الله بيقول عنها بيقول ايه؟ عمل الانسان في مال غيره اذا كان على وجه المصلحة وازالة



المفسدة انه يجوز. ولو بلا اذن حتى ولو ترتب عليه ائتلاف بعض مال - [00:42:30](#)

الغير قاعدة حلوة بمعنى ايه؟ الخاض الركاب وعارف اني من مصلحة حماية المال ده احميه ازاى؟ افسد منه شوية عشان احافظ على الكل ما هي السفينة لسة زيرو زيرو بس لو زيرو هياخذها هتتاخذ كلها - [00:42:50](#)

فما خلهاش ايه؟ اه يعني ما احنا عندنا في العربيات بيقلوا عليها ايه؟ رش بلدها مش كده؟ اه رش بلدها لسة ما تايه فهي دي لسه فهي لو فضلت كده هتروح كلها - [00:43:10](#)

نضربها اي ضربة بحيس عشان ايه؟ يبقى انا يجوز شرعا اتلف بعض المال عشان احافظ على الايه؟ فيقول اهو بيقول لو ان واحد مسلا فلن ظالم اه او اه يعني بقول فيه ايه؟ كما خرق الخضر السفينة لتعيب. فتسلم من غضب الملك الظالم. فلو وقع حريق او غرق. واحد بيته - [00:43:26](#)

ولا اي حاجة وعشان نطفي لازم نهد حاجة نكسر حاجة خلاص نكسرهما عشان نحافظ على الايه؟ على الباء. هو ده اللي حاصل. ودي قاعدة معروفة يعني فالائلاف الائلاف البعض للحفاظ على الايه؟ على الكل - [00:43:49](#)

هنا برضه بيقل له ايه؟ اما السفينة فكانت لمساكين يعملون في البحر ها وكان وراءهم ها؟ ملك. كلمة ملك دي اعوذ بالله منها اغلب الملوك زلما في منهم ملوك حلوين؟ اه في الله! طب ما هو داوود وسليمان كانوا ايه؟ فما نعممش. فيه ملوك كويسين فيه - [00:44:05](#)

بس الاغلبية ايه؟ اه ويفسدوا في الارض ويباخذوا الحاجة اللي مش بتاعتهم كدهو يقول من صفات اكثر الملوك الفساد في الارض بلقيس وهي ملكة بلقيس ملكة بتقول لان هي عايشة دور الايه؟ الملوك بتقول ان الملوك - [00:44:28](#)

اذا دخلوا قرية افسدوا وجعلوا اه يبقى بياخذ مال الناس نصب قال هياخذ كل سفينة ايه غصبا يأخذ كل سفينة اما واما الغلام فكان ابواه ايه؟ مؤمنين. ناخذ منها ايه بقى؟ خلي بالك كل ده عشان نطبقه في حياتنا - [00:44:50](#)

احنا عمرنا لا يجوز شرعا تقليد الخضر في اي حاجة عملها الا ان كنا نساعد في بناء جدار. انما يجوز لنا ان احنا نقلده في قتل حد هندروش بقى سيدنا موسى - [00:45:17](#)

الى سيدنا موسى اه. اه اه ايوه ماشي ماشي. ايوه. مم لا يجوز. لكن هو طبعاً قتل. قتل بشريعة ولا قتل بغير شريعة؟ قتل بشريعة قتل بالشريعة بامر الله فالغلام كان ابواه مؤمنين. فخشينا ان ايه - [00:45:34](#)

فتاخذ منها ايه بقى العبد المؤمن يا اخوانا خلي بالك الاب والام دول مؤمنين ربنا بيعت لهم نبیین يقتلوا ابنهم او واحد منهم يقتل والتاني واقف مسلا ها تعرف ان العبد الصالح ربنا بيحوس عنه ايه؟ ها؟ شرور. هو مش شايفها ولا عارفها. لان الخبر لما - [00:46:02](#)

زعلوا ولا ما زعلوش زعلوا وانا لو مكانهم هزعل. ما انا مش عارف. انا مش عارف. بس تاخذ منها ايه؟ ان ربنا ما بيحوش عنك حاجات كثير ممكن كانت هتيجي لك من مين؟ من احب الناس اليك - [00:46:28](#)

ابنة زوجتك بنتك. اي والله شرورها تجيلك من احق اعرف واحد تحديدا مخلف بنت واحدة وعنده ثروة حلوة حلوة يعني بنته وامها طلبوا منه يكتب لها اللي يملكه. عشان مين - [00:46:43](#)

عشان اخواته. يبقى ده شر جاي ولا مش جاي؟ رفض عاقبوه لا الخدمة ولا هنسأل فيك ولا اكل ولا شرب ولا حاجة. اعتزل اعتزل ساب لهم الجمل بما حمل وما كتبش - [00:47:04](#)

فالمؤمن لما الاية تقول ابواه كانوا ايه؟ مؤمنين ربنا حاش عنهم مين؟ الولد اللي كان هيكفرهم في حياتهم. هيكفرهم هيكفرهم فعلا فالمؤمن يا اخواننا ربنا بيحوش عنه ايه شغله. وبعدين ان يبدلها ربها ها؟ خيرا منهم. يبقى اللي ربنا هيجيبه لك كله حلو - [00:47:21](#)

عاجل او ايه؟ او اجل مهم قوي نخلي بالناس منها نخلي بالناس منها ان في حاجات ربنا مخبيها وبيحوش عنا حاجات بس اهم حاجة انت تبقى علاقتك بالله حلوة هو بقى اللي ايه - [00:47:44](#)

ان الله يدافع ها ان الله يدفع القراءة الثانية. واما الجدار فكان لغلامين يتيمين في المدينة وكان ايه تحته كنز لهما كان لغلامين

يتيمين في المدينة وكان تحته كنز لهما. فيها ايه دي بقى - [00:47:59](#)

هو حتى اذا اتى يا اهل قرية يبقى القرآن ذكر الاله القرية اللي فيها الاله الجدار. والغلامين فين؟ في المدينة. يبقى القرآن القرية

وايه؟ ومدينة يبقى القرآن سبق كل النظم وكل الكتب - [00:48:24](#)

في بالتائم التقسيم تقسيم المدن التقسيم المحليات يعني سماها محليات قرية وايه وان معروف في القرية اكبر وان القرية المدينة

اكبر وهي ام ايه؟ قرى او قرية تبقى ام قرى. برضه القرآن ذكر دي. يبقى هو اول حاجة - [00:48:43](#)

يعني التنزيم اللي انت شايفه ده القرآن سبق كل الاله؟ النزم في تنزيم القرى والبلاد والمدن والحاجات دي واخذ بالك وبعدين قال ايه

بقى لما ييجي الخضر وسيدنا موسى يعملوا ايه بقى - [00:49:02](#)

بنى الجدار ده نوع من كفالة اليتيم يبقى كفالة اليتيم ده شرف حلو اوي وان ما قمتش بها في ناس احسن منك ايه؟ قاموا بها

والناس اللي كانوا في القرية ما قاموش بالمهمة دي وقام بها مين - [00:49:19](#)

وقام بها سيدنا موسى وسيدنا الاله؟ ولزك سيدنا النبي جه بعدها وقال انا وكافل اليتيم في الجنة ايه؟ هكذا وشار باصبعيه السبابة

والايه قريبين من بعض خالص اهم قريبين من بعض - [00:49:37](#)

شف انت بقى والرسول عليه الصلاة والسلام خدمة الصالحين يستفاد ايشا من الدروس فيها ان خدمة الصالحين او من يتعلق

بالصالحين اللي هي فين بقى؟ الجدار كان لغلامين وكان ايه؟ تخدم الصالحين وتخدم اللي له علاقة بمين - [00:49:55](#)

بالصالحين. الصالح ايوه تخدم الصالح كان ابوهم صالحا وكان تحته كنز له في كتب التفسير كنز يعني كنز مال مدفون. كنز مال

مدفون وفي اقوال ايشا ان كان كنز او يعني حاجة كده يعني لوح من ذهب بس عليه علم مكتوب فيه علم - [00:50:14](#)

طبعاً انا استبعدت هذا يعني ايه ليه استبعدته؟ لان ابوهم صالح والقرآن ما قالش ان ابوهم عالم ابوهم ايه؟ صالح ولو كان ابوهم عالم

ما ينفعش ابوهم يدفن الاله؟ ما ينفعش العلم ما يندفنش. العلم ينشر - [00:50:39](#)

علم ينشر مش يندفن فهنا هو دفن لهم ايه ها؟ مال دفن لهم مال اه وبسبب ان هو صالح ربنا حافظ له على ايه على ما له. يعني مش

جايه من حرام. يعني مش جايه من ربا - [00:51:00](#)

اي والله يا اخوان ده انت لو هتجيب مال من الغيبة ومش هيفضل حاجة منه ووبر وولادك هيتنحل والله العظيم اللي هيتنحي اوعى

تسيب لهم مال حرام لا رشوة ولا ربا ولا غصب - [00:51:18](#)

ولتركة غير تاكلها. لأ حلال حلال يفضل ويعيش ويبارك. ويبارك. وكان ابوهم ايه؟ صالحا وصلاح الالباء بيمتد. ابن كسير قال ده كان

الاب السابع الاب السابع؟ اه يعني ولاد ولاد وانت نازل كده هه جدهم السابع كان راجل صالح ربنا حافظ له على ماله - [00:51:33](#)

ربنا حافظ له على ما له جاية له عشان يورسوه. اه. قال كان الاب السابع لان القرآن لم يذكر صلاح للابناء انما ذكر صلاح لمين؟ للاباء

فاحرص على هذا الصلاح - [00:52:01](#)

الخضر سمي بالخضر ليه صح عند البخاري وغيره ان النبي صلى الله عليه وسلم قال انما سمي الخضر بالاسم ده انه جلس على فار

وبيضاء فاذا هي تهتز من خلفه خضراء - [00:52:15](#)

قالوا ايه الفروة؟ مش مش لازم الفروة يعني الفروة بتاعة الخروف لأ. قالوا قشرة الارض. قعد على الارض كده ما فيهاش نبات وقف

لقينا ايه؟ خضر بترفرف بعد ايه؟ ما وقف. سموه الاله - [00:52:33](#)

الخضر سموه الخضر او سمي بهذا لهذا الاسد. الخضر حي الخضر حي؟ اه بقى يقول لك. طب عاوزينه يبقى حي ليه؟ عشان علة

معينة وعاوزينه يبقى عبد صالح مش نبي ليه؟ عشان عيلة. هنا بقول لك علة هدم الدين - [00:52:48](#)

ازاي يعني هندهم الدين يعني؟ اه هتعرف ازاي يهدم الدين بقى اولاً الخضر مش حي. الخضر مات زي كل ما بيموت. قال ابن عاشور

يزنون ان الخضر منحه الله الى البقاء الى انتهاء مدة الدنيا - [00:53:09](#)

ليكون مرجعا لتلقي العلوم عرفت جت منين بقى؟ عاوزين يبقى حي ليه عشان يجتمع مع الصوفية مطرح ما يجتمعوا بقى ويقول له

بقى يعلمه بقى العلم الاله؟ اللدن. ويطلع هو بقى ايه؟ يهالوس. جبت الكلام ده منين يا عم لدنيا. وتفرق ايه؟ يقول لك - [00:53:23](#)

ما هو الخضر ده كان بيعلم مين موسى. يبقى الشيخ فلان احسن من مين؟ احسن من النبي. يبقى انتم واجعين دماغنا بقى بشرية واحاديس وبخاري وتفسير وكلام من ده ده اللي عامل لي قام عملية ايه ها؟ جاية من فوق - [00:53:50](#)

جاية منين؟ من فوف. عاوزين يبقى دايم ايه؟ عايش. ما يموتش. ليه؟ عشان يعلم. يعلم مين؟ اهو عرفت بقى وانت بقى كل اللي انت بتعمله ده ما لوش لازمة خالص بقى. ولا احاديس ولا ايات ولا ازهر ولا غيره ولا غيره. العملية كلها عملية ايه؟ لدنية - [00:54:07](#)

وهو بيجتمع معهم بايه؟ بيعلمهم. هل هو فعلا حي؟ كلام مرفوض. كذا دليل على انه مات اصلا. قال رب العزة. وما جعلنا من قبلك الخلد هتقول لعيسى لأ عيسى مستثنى بمصر وعيسى مش هنا عيسى فوق - [00:54:26](#)

صاحي؟ اه صاحي بس فوق ما لناش علاقة به قوانين الدنيا ما تنطبقش عليه هو ساب الدنيا كلها يبقى عيسى برة النص وما جعلنا لبشر من ايه؟ وبره النص بايه؟ بنصب. بنص. هو برة النص بنص. اني متوفيك ورافعك - [00:54:45](#)

يبقى خلاص لما ربنا بيقول للرسول وما جعلنا لبشر من قبلك الخلد يعني كل اللي قبلك ايه؟ ماتوا وانت هتموت انت هتموت يبقى ما فيش ايه؟ حد عايش والرسول صلى الله عليه وسلم يقول لما في ليلة بدر يقول اللهم انجز لي ما وعدتني - [00:55:06](#)

اللهم انت ما وعدتني اللهم ان تهلك هذه العصابة من اهل الاسلام لا تعبد فين؟ الله! طب لو اهل بدر ماتوا طب ما هو الخضر عايش ويعمل ايه بيعبد يبقى كلام النبي كده يستقيم ولا ما يستقيم؟ حاشاه صلى الله عليه وسلم. حاشاه - [00:55:23](#)

بقول له مش هتعبد. طب هو لو كان عايش يبقى هيعبد يبقى البدرين يموتوا وبعدين ما بيخلفني يعني عايش وما بيخلفني ولا ما اتجوزش طب فين زريته طب ييموتوا ولا عايشين - [00:55:41](#)

مش كل الاسئلة دي لازم تطرح؟ اه قال تعالى واذا اخذ الله ميثاق النبيين. ربنا خد الميساق على النبيين. ان سيدنا النبي لما بيعس يقفوا جنبه ويؤمنوا به وينصروه. ما سبتش ان الخضر - [00:55:56](#)

لو كان عايش كان جه بيع الايه بيع النبي عليه الصلاة والسلام مش كان يجي يبايعه وسيدنا النبي قال لنا برضه ايه اه في كمان ايه الضرورة الشرعية ان الخضر يفضل موجود ما فيش اي ضرورة شرعية - [00:56:09](#)

ما فيش اي ضرر خالص اتفضل الله اكبر لا اله الا الله ده فرض اللي بيني وبينك فلو كان الخضر عليه الصلاة والسلام حيا لمازا يترك مسلا يوم عرفة مش يبجي يصلي معنا - [00:56:24](#)

ويخطب فينا خطبة عرفات. اه يعني ليه ليه ما بيبقاش هو امير على الحاج مسلا ويوصينا والفتن اللي احنا فيها ديت مش يقف برضو معنا بفرض ان هو حتى عبده صالح مش يسيبنا ليه برضو - [00:57:24](#)

اه سبني ليه؟ ازا هو مش حي هو مات مات في التوقيت اللي ربنا سبحانه وتعالى اراد له ان يموت فيه وخلاص وليس له وجود بين الاحياء وانا قلت لكم الكلام ده ليه واستفدت في المسألة دي ليه؟ لان هي القضية قضية ارادة هدم الدين - [00:57:39](#)

نهدمه ازا ان احنا قسمنا الدين الى شريعة وحقيقة يعني ايه شريعة وحقيقة؟ الشريعة اللي هي معاني الكتاب والسنة الاية والدليل والحديث. الكتاب والسنة والاجماع والقياس والحاجات اللي هي اصول الدين نفسها - [00:58:02](#)

بنقوم لاغيين كل ده ونقول ان الخضر عبد اهو وبيعلم نبي جاب العلم منين؟ من عند ربنا مباشرة يعني معناه ايه؟ يعني اسببكم بلا شريعة بلا كتاب بلا سنة ده العملية كده لما ربنا يريدك هيدي لك. ويطلع بقى ادعياء - [00:58:25](#)

ادعياء بقى التجلي وادعياء التصوف وادعياء بقى علم لدني. ما هو العلم ما لوش ما لوش حدود. وزى ما احنا عرفنا دلوقتي حكاية العلم ان في اجر لا دني وعلم لكل حاجة من لدن مين؟ اصلا. وعرفنا العبد كلمة عبد ديت كل الانبياء اصلا ايه؟ عباد - [00:58:46](#)

ما فيش ميزة. ولما اكون سيدهم يقول عنه رب سبحان الذي اسرى بعبد عاوز انت تقبه تاني فحتى لو كان يعني غضبي او انفعلي لان انا عارف المدخل من ورا الكلام ده ايه - [00:59:06](#)

مدخل من ورا الكلام ده هو تقسيم الدين حقيقة وشريعة. كل اية كده يا اخوانا بيقسموها حقيقة والشريعة. انت شايف النص يعني مسلا كل الناس عارفة ان الخمرة حرام. يبجي شيخ الطائفة يشرب خمر - [00:59:23](#)

اقول له انت مش غمرة ليه؟ قل يا ابني انت مش عارف دي مش خمرة يا حبيبي اقول له ازا هتلاقي اللي بيزغطني يمين وشمال قل

له اسكت ليه ؟ انت ما تعرفش لسة. انت لسة جاي النهاردة. انا جاي بقى بالايه ؟ بالحماس بتاعي. والادلة اللي عندي والحلال -

[00:59:39](#)

حرام يقول له اسكت لسه بدري بدري عليك لما ترقى شوية بالشوية ما تعرف ان هي مش خمر وممكن نقول ايه؟ ايه رأيك في خمر الجنة حرام ولا حلال؟ اقول له لا ده خمر الجنة حلال. يقول لي ما هي اللي في ايده دي خمر الجنة - [00:59:57](#)

اقول ايه انا بقى اقول انا في الحلقة هسكت لسه يا ابني لسه انت لسه صغير اللي في ايده ده خمر الجنة وهكذا بقى ده هدم في

الدين ولا بناء في الدين؟ اه هدم في الدين - [01:00:15](#)

هدم في الدين فالشاهد ليه هم حريصين عاوزينه يبقى عبد بس كده وخلاص واحنا قلنا الادلة كلها بتقول ان نبي ولا يصح ان يكون

نبي. الا ان يكون نبيا. ليه - [01:00:31](#)

واحد عنده امر بالاكل وقتل غلام وايش عرفك؟ حديث عند مسلم يقول فيه الرسول عليه الصلاة والسلام. ان الغلام الذي قتله الخضر

طبع كافرا ولو عاش لارهق ابويه طغيانا وكفرا - [01:00:42](#)

طب بالله عليك مين اللي قال الحديث ده؟ طب هات سيدنا النبي وهات سيدنا الخاطب بينهم وبين بعض كم سنة؟ سيدنا النبي

بيقول اللي الخضر عامله ده مطبوع عند ربنا كافر - [01:01:03](#)

طب تميل لمين يعرفها دي بقى لازم يكون ايه؟ لازم نبي واحد صالح مهما كان صلاحه يقدر يقول انا مسلا في واحد في الشارع تاجر

مخدرات. مسلا يعني لأ تاجر المخدرات ايه لأ ها راجل مصلي - [01:01:23](#)

وعنده ولد غيزني غايزني ومتفوق وانا راجل ايه صالحا او راخر انا بقى الشيخ بتاع الحتة اقدر اقتل الواد ده عشان هو غيزني

وبتقتلوا ليه يا مولانا؟ اقوم اقول لهم اصل الولد ده ايه ها - [01:01:41](#)

ينفع يبقى ده ولي ولا بيخرف ها يتقتل ولا ما يتقتلشي قصاص لازم يقتص منه الخضر لا يصح الا ان يكون ايه لانه عمل المسائل كلها

غيبية صحيح المسائل اللي عملها دي لا نقتدي بها فيها - [01:01:58](#)

لان الانبياء ربنا قال عنهم اولئك الذين هدى الله فبهداهم ايه؟ اقتد. طب انا عاوز اقلد النبي الخضر طب معك العربية اقطع لك

الكرسي زي ما هو خرق السفينة ينفع؟ - [01:02:21](#)

لأ طبعا لازم تحملني تنجيد العربية كلها وتقول يا عم انا راجل صالح مش انا راجل صالح اقول لك صالح صالح ايه ابو صالح. تعال يا

حبيبي. صح ولا مش صح - [01:02:38](#)

لازم تنجدها لي من اول وجديد ينفع ولا ما ينفعشي؟ يبقى لا يجوز ان نقتدي به فيها. دي امور امور جعلت بس يا موسى انت ما

تعرفش رب العالمين علم في. عندك كتير وعند غيرك شوية. لما نيجي حد يسألك يقول مين اعلم اهل الارض؟ قل الله اعلم -

[01:02:49](#)

قل الله اعلم وريح دماغك. صح ولا مش صح؟ فلا يستقيم ابدأ الا ان يكون ايه؟ نبيا لا يستقيم ابدأ اي كلام غير كده لا يؤخذ باي

صورة من الصور والقضية بحست وقتلت بحسا - [01:03:13](#)

لانه ما فيش وانا جيت لكم سادات الاولياء اسامة وعمرها وهيقتلوا ناس تستحق القتل ومع ذلك لأ انا ما عنديش امر لان عمر

بيستأذن الرسول والرسول ما عندوش امر - [01:03:31](#)

يتحدث الناس ان محمد يقتل اصحابه يا عمر لأ انا ما عنديش امر. لو عندي امر كمل. وبعد ذلك يصلي عليه كمان مش كده ويكفونه

ويكفونه في قميص النبي عليه الصلاة والسلام - [01:03:44](#)

لانه ما عندوش امر بقتله ما عندوش امر ولما كنا بنتكلم في الخصائص لما الرسول قال الاربعة دول واللاتين الحريم النساء دمهم ايه؟

هدر دمهم هدر منين ما تلاقوهم اقتلوهم - [01:03:58](#)

وعبدالله بن ابي السرح ولما سيدنا عثمان جابه مش كده خلاص الرسول طالما مد ايده وخط ايده في ايد عبدالله يبقى بايعه الرسول

كره للبيعة بس بايعه ادم بيعه وخلاص. يقول لهم انا ما حدش فيكم كان لما الاقيني مش راضي امد ايده له يقوم يقتله. قالوا ما

فهمناش - 01:04:15

وكتي اعلمي لنا اي اشارة قال لهم ما كان لنبي ان تكون له ايه لأ ما ينفعش الرسول يعمل اشارة كده لأ وخلص مع انه يستحق الايه؟  
ودمه مهدور لا - 01:04:37

فلما ييجي الخاضر يلاقيه الولد بيلعب في الشارع وخلي بالك هو الواد ده اي لأ لقي غلاما بعد كده عرفه قال واما الغلام. طب عرفه  
ليه بقى ايه بس من الاول كان نكرة - 01:04:51

الاول كان نكرة وعرفه لانه ما بقاش نكرة هو اللي عارفه بس وعارف الواد دهبو بالزات اه فلما قتله بقى موسى شريكه في الايه؟ في  
المعرفة فهنا بقى صار معرفة. نفس الكلام في الجدار. وجد جدارا هو اي طب ما يبقى يعني هي البلد كلها عيد لقوي. ما فيش الجدار  
ده اللي ميت - 01:05:11

ولا ايه ؟ هتلاقي البلد فيها جدران مميلة كتير. اشمعني الجدار ده ؟ لانه تحت والايه؟ الكنز فوجد جدارا كالناكرة بس هو معرفة  
بالنسبة لمين للخضر لما عدل الجدار بقى اتنين ايه - 01:05:36

عارفين فعرف بقى كده اتنين عارفين ان القصة. الشاهد يا اخوانا عشان بامبو ما نطولش عليكم ديننا عظيم ونحزر المخربين ونحزر  
بالزات في الايام دي. كل اللي بيطلعوا او اغلب اللي بيطلعوا طالعين ما تعرفش هم عاوزين ايه بالزبط - 01:05:54  
اللي واخذ له قرشين على مش عارف ايه يطالع يهلوس يقول اي حاجة في اي حاجة وعمالين نقص في الدين ونرميه ونجر في  
الدين ونأذب في الدين وجدد في الدين مش محتاج تجديد - 01:06:14

الدين محتاج ناس تتمسك به ودين ما بيقدمش اصلا ده هو جديد كل يوم وماشي مع كل وقت وفي كل حاجة ايه ايه ديننا وقف ضده  
وقولو لي ايه اللي ديننا وقف ضده؟ استحلفكم بالله اي واحد عارف حاجة وقف الدين وقف ضدها يقول لي هي ايه - 01:06:26  
ابدا ما وقفش ضد حد ابد. مش محتاج تجديد لان هو كل يوم جديد. هو جديد اصلا. هو جديد جديد في جديد على طول. منعنا من  
ركوب الطيارات؟ منعنا من ركوب - 01:06:47

منعنا من استخدام السلاح الحديث ولا اي حاجة ابد. كل حاجة جديدة كل حاجة حديثة منعنا من قلة الادب منعنا من من التبرج  
والفجور والحاجات دي مش محتاجة اصلا هي اصلا مفروض ما تكونش تكون موجودة اصلا - 01:06:57  
ما فيش حاجة ديننا جديد مش محتاج تجديد اصلا. اللي سابو لنا سيدنا النبي احده شيء واجمل شيء فما نجيش بقى احنا وبعدين  
ما نفصهوش نقله شوية شريعة على شوية حقيقة لأ هو ما فيش حقيقة وشريعة. هو نص واحد بس. نفهمه ونطبقه - 01:07:14  
اسأل الله العزيز رب العرش العظيم ان ينفعنا بما علمنا وان يعلمنا ما ينفع. نعم مرض ما يفيد عن اه هذا بنسبة اه. اه. لا لأ لأ ايام لما  
موسى عليه السلام لما سئل قال اي سئل اي الناس اعلم؟ قال - 01:07:32

اه انا الحديث عوتب فيه بس خلاص اللي حصل ده هو خلاص عتاب من الله على موسى وانتهى الموضوع مش محتاج توبة خلاص  
هو علم الرشد. ولذلك اذا كان ما كان بيقول الخضر الخضر هل اتبعك على انهيههم - 01:07:55

تعلمني مما ايه؟ طب ما قالش مما علمت علما لان هو اصلا عنده علم كتير جدا. اكثر من خاطر ملايين المرة عنده تورا وعنده وعنده  
وعنده مش محتاج علم هو محتاج ايه؟ رشد. ايش الرشد اللي هي دي؟ يفرمل في الاجابة بس. ينسب - 01:08:11

اه بس وخلص. من اعلم الناس؟ الله اعلم كانت هي دي فدي عتاب مش محتاج توبة خلاص هو سيدنا موسى خلاص الرشد اه الرشد  
غير العلم اه ايوة ولا في انفسكم الا في كتاب. نعم - 01:08:31

الرشد الرشد يعني اشبه بايه مزيد من الحكمة والتأني في الشيء مزيد من الحكمة والتأني في الشيء هو طلب من  
من الخضر ارش. ولذلك التالت مسائل وتشمت بتصير الانسان - 01:09:01

وسيدنا موسى وهو يقول له انا مش قلت لك الم اقل لك فلما لقي بقى كده ممكن يشوف في اخر الحديث الرسول صلى الله عليه  
وسلم يقول ايه؟ يرحم الله موسى - 01:09:22

وددنا الا وصبر يعني كنا هنشوف يا نكوتش عشر حالات عشرين حالة حاجات كتير جدا فهو ايه؟ لما ما صبرشي آآ فضي الايه رد



الصحة. بس انما كل ده يشين سيدنا موسى ابدأ. يجعل الخضر افضل منه ابدأ. هو نبي وقلت لكم في همزة وصل وفي قاسم مشترك  
- 01:09:35

بينهم نبي بيتعلم نبي زي ما سيدنا موسى بيقول للرسول اسأل ربك التخفيف. ايه المشكلة وزمن موسى بيعلم اخاه هارون. طب ما  
اخ هارون مش في مشهد كتير جدا. مش موجود معنا في مشهد كتير - 01:09:55

واللي مع ان هو طالبه يبقى وزير. يجعل لي وزيراً من اهلي. هارون اخي. طب مين اللي معه الدفة اصلاً؟ موسى بس محتاج برضه  
ايه؟ وزير وما يضرش هنقول بقى ان هارون عبد صالح - 01:10:08

هو عبد صالح بس ايه؟ نبي. طب نبي من امتي نبي من امتي؟ سؤال ثاني هو مولود قبل موسى. نعم. وكانوا عايشين هنا ولما اتى  
للقبطي ما سيدنا موسى اللي مشي وفضل مين؟ سيدنا هارون. كان النبي بيتكلم مع فرعون؟ ابدأ - 01:10:25

عادي خالص مصري الراجل في مصر راجل وهو مصر ولا مش مصري؟ ها كان ايه لا بس الجنسية ايه اسرائيلي مقيم في مصر. ايوة.  
بسقط راسه مصر اي نعم ايوة اه اه دي ميزة بقى لسيدنا ابراهيم - 01:10:45

كنا فين فالشاهد ان سيدنا هارون صار نبيا في عودة موسى. ولما خاطبه الله سبحانه وتعالى وطلب وزيراً من اهل هارون اخي اشد  
به ازري نبي هارون من اللحزة دي - 01:11:08

يعني هو لما رجع لقي اخوه هارون النبي بقى قبل ما يمشي مش نبي بدعوة استجيبت رجع لآخوه بقى نبي وبقى هم الاثنين شالوا  
الايه؟ المهم. نسأل الله ان ينفعنا بما علمنا وان يعلمنا ما ينفعنا. وصلى اللهم وسلم. نعم - 01:11:27